

皇

清

經

解

皇

清

經

解

禮經釋例卷四目錄

飲食之例中

凡一人舉觶爲旅酬始二人舉觶爲無算爵始

凡旅酬皆以尊酬卑謂之旅酬下爲上

凡旅酬不及獻酒者不與

凡旅酬皆拜不祭立飲

凡旅酬不洗不拜既爵

凡無算爵必先徹俎降階

凡無算爵皆說屢升坐乃羞

凡無算爵不拜唯受爵於君者拜

凡無算爵堂上堂下執事者皆與

凡奠爵將舉者于右不舉者于左

凡君之酒曰膳臣之酒曰散

凡食禮初食三飯卒食九飯

凡設饌以豆爲本

凡正饌先設用黍稷俎豆加饌後設用稻粱庶羞

凡初食加饌之稻粱則用正饌之俎豆卒食正饌之黍稷則用加饌之庶羞

凡正饌醯醬大羹湑加饌簠粱皆公親設

凡公親設之饌必坐遷之公親臨食必辭之

凡食禮有豆無籩飲酒之禮豆籩皆有

凡食賓以幣曰侑幣飲賓以幣曰酬幣

凡燕禮使宰夫爲主人食禮公自爲主人

共二十例

皇清經解卷七百八十七

學海堂

禮經釋例

欽凌進士

廷堪

著

飲食之例中

凡一人舉觶爲旅酬始二人舉觶爲無算爵始

廷堪案鄉飲酒禮主人獻衆賓畢一人洗升舉觶于賓注一

人主人之吏發酒端曰舉鄉射亦然此一人舉觶爲旅酬始

也至樂賓畢立司正後賓卽取此觶以酬主人少長以齒終

於沃盥者謂之旅酬故注云發酒端曰舉也旅酬畢使二人

舉觶于賓介注二人亦主人之吏鄉射則使二人舉觶于賓

與大夫

鄉飲酒若有大夫則亦舉觶於賓與大夫

此二人舉觶爲無算爵始也至

徹俎說屨升坐後賓介卽取此二觶以酬主人與衆賓

鄉射禮大

夫之觶長受爵行無算執觶者皆與謂之無算爵此皆飲酒注長衆賓長

之正禮也特牲饋食禮之旅酬無算爵則祭畢之飲酒也西

階前之一觶卽主人酬賓之觶至嗣舉奠後兄弟弟子復舉

東階前一觶爲旅酬發端是雖有二觶實亦一人舉觶也旅

酬畢賓弟子及兄弟弟子洗各酌於其尊賓弟子酌西階之尊兄弟弟子酌東

階之尊舉觶於其長爲無算爵發端是亦二人舉觶也皆與飲

酒正禮同亦有二人舉觶爲旅酬始者燕禮大射主人獻賓

後使二大夫媵爵於公公取一觶爲賓舉旅行酬主人獻卿

或獻孤後又使二大夫媵爵於公公若命長致則一人奠觶

於前取酬賓之觶之空處公又行一爵爲卿舉旅行酬主人

獻大夫後升歌畢公又行一爵爲大夫舉旅行酬笙奏閒歌

畢立司正

大射立司正後卽行射禮

主人獻士後賓媵觚於公公舉之爲

士舉旅行酬此飲酒之正禮也有司徹旅酬是祭畢償尸之

禮上賓三獻後二人舉觶於尸侑尸舉一觶以酬主人爲旅

酬發端皆二人舉觶唯賓媵觚於公爲一人然燕禮大射爲

賓爲卿爲大夫旅酬雖二人媵爵所行者實一觶有司徹旅

酬雖二人舉觶所行者亦尸一觶也亦有一人舉觶爲無算

爵始者有司徹無算爵賓所舉之一觶卽前主人酬賓之觶

至旅酬畢兄弟之後生者舉觶於長與前主人酬賓之觶交

錯爲無算爵是雖一人舉觶所行者實二觶也燕禮大射旅

酬皆三次初次爲賓旅酬此二大夫所媵二觶中之上觶也

二次爲卿旅酬此前二大夫所媵二觶中之下觶也三次爲

大夫旅酬此獻卿後二大夫中一人所勝於旅賓空處之觶

也至合樂後

大射則爲大夫舉旅亦在射後也

爲士旅酬則賓所勝之觶也

鄉飲酒鄉射旅酬祇一次用一人舉觶以發端無算爵則用

二人舉觶以發端皆不用主人酬賓之觶

主人酬賓之觶奠而不舉禮盛

故也若特牲旅酬賓酬長兄弟卽用主人酬賓西階前之一觶有司徹無算爵賓及兄弟交錯其酬亦卽用主人酬賓西階南之一觶祭畢飲酒之禮殺故也

又案特牲饋食禮主人酬賓節主人洗觶酌于西方之尊西階前北面酬賓賓在左主人奠觶拜賓答拜主人坐祭卒觶拜賓答拜主人洗觶賓辭主人對卒洗酌西面賓北面拜主人奠觶于薦北賓坐取觶還東面拜主人答拜賓奠觶于薦

南揖復位戴氏震曰上經賓北面拜主人奠觶於薦北下云
主人答拜答賓北面之拜也賓坐取觶還東面下不得有拜
字故注但云還東面就其位况賓取觶未奠亦無持觶拜之
理拜字不知何時誤衍宋本已然矣無賓兩拜主人答一次
拜者凡拜皆北面戴說是也考下文旅酬兄弟弟子洗酌於
東方之尊阼階前北面舉觶於長兄弟如主人酬賓儀疏云
如主人酬賓儀者長兄弟北面拜弟子奠於薦南長兄弟坐
取觶還西面拜弟子北面答拜長兄弟奠於薦北揖復位此
是賈氏由上節經文推出者還西面拜與上經還東面拜正
同則戴氏所謂拜字誤衍者唐初本已有之但賈氏未能訂
正耳

又案特牲旅酬用主人酬賓之觶發端無算爵用賓弟子兄弟弟子二人所舉之觶發端有司徹旅酬用二人舉觶於尸侑之尸觶發端無算爵用主人酬賓之觶發端是特牲之旅酬如有司徹之無算爵亦士禮殺於大夫之義也

凡旅酬皆以尊酬卑謂之旅酬下爲上

廷堪案鄉射禮旅酬司正升自西階相旅作受酬者曰某酬某子注某者字也某子者氏也稱酬者之字受酬者曰某子旅酬下爲上尊之也春秋傳曰字不若子

燕禮旅酬更爵洗疏尊者與卑者之

爵不言易者旅酬下爲上故不言易而言更也

鄭氏此注卽中庸旅酬下爲上之確

解也考旅酬之禮惟飲酒始有之凡飲酒之禮有獻有酢有酬有旅酬有無算爵此一定之節次也雖祭畢之飲酒亦然

獻酒用爵燕禮大射宰夫爲主人則用觚下爵一等也皆主人獻之酢亦用爵禮

盛者則酢主人酬酒用觶唯主人酬賓而已至於旅酬則賓

酬主人主人酬介介酬衆賓皆以尊酬卑故曰旅酬下爲上

也獻酒賤者不與至旅酬無算爵則凡執事者無不與終於

沃洗者故曰所以逮賤也蓋獻酢酬所以申敬旅酬無算爵

所以爲歡也如鄉飲酒旅酬賓北面坐取俎西之觶此即一

之觶疏云前主人酬賓奠於薦阼階上北面酬主人主人降

東者不舉故言俎西以別之席立於賓東賓坐奠觶遂拜執觶興主人答拜不祭立飲不

拜卒觶不洗實觶東南面授主人主人阼階上拜賓少退主

人受觶賓拜送於主人之西賓揖復席此賓酬主人也又云

主人西階上酬介介降席自南方立於主人之西如賓酬主

人之禮主人揖復席此主人酬介也又云司正升相旅曰某子受酬受酬者降席司正退立於序端東面受酬者自介右衆受酬者受自左拜興飲皆如賓酬主人之禮辯卒受者以解降坐奠于筐司正降復位此介酬衆賓衆賓又以少長爲次序相酬也鄉射旅酬同唯無介賓酬主人後則主人酬大夫若無大夫則長受酬亦如之又司正升自西階相旅作受酬者曰某酬某子與鄉飲酒某子受酬異又云辯遂酬在下者皆升受酬於西階上亦較鄉飲酒爲詳蓋賓尊于主人主人尊於介鄉射則大夫介尊於衆賓是以尊酬卑也鄉飲酒義云少長以齒者如酬衆賓則先酬其最長者最長酬其次長者以次而及最少雖以少長爲先後亦是以尊酬卑也長尊於少今以

長者酬少者故燕禮公為賓舉旅行酬坐取大夫所賸觶與

以酬賓賓降西階下再拜稽首公命小臣辭賓升成拜公坐

奠觶答再拜執觶興立卒觶賓下拜小臣辭賓升再拜稽首

公坐奠觶答再拜執觶興賓進受虛爵降奠于篚易觶洗

曰公有命則反升酌膳觶下拜凡旅酬賓主之禮賓酬主人皆賓先卒觶然後實觶以授

主人此公酬賓是君臣禮故公卒觶不實觶但以虛爵授賓使自酌也小臣辭賓升再拜稽首

公答再拜此公酬賓也又云賓以旅酬於西階上射人作大

夫長升受旅賓大夫之右坐奠觶拜執觶興大夫答拜賓坐

祭立飲卒觶不拜經又曰若膳觶升實散方壺之酒為散非膳尊也大夫

拜受賓拜送大夫辭受酬如受賓酬之禮不祭卒受者以虛

觶降奠于篚此賓酬大夫諸大夫兼三卿而言又以爵之尊卑為

次序相酬也為卿為大夫舉旅行酬皆於西階上如初為士

舉旅行酬亦如初大夫卒受者興以酬士於西階上亦以士

之尊卑為次序也大射旅酬大略相同大射興以酬賓注公起酬賓於西階降尊

以就卑也亦旅酬下為上之義蓋公尊於賓賓尊於卿大夫賓雖大夫為之然命之為賓則

尊于卿矣卿大夫尊於士以公酬賓以賓酬卿以卿酬大夫以大

夫酬士亦是以尊酬卑也此皆飲酒正禮之旅酬也

特牲饋食禮主人酬賓之鬴奠於薦北邊豆之左也賓取

之奠於薦南邊豆之右也賓位西階前東面故北為左而南為右俟主人獻

長兄弟眾兄弟內兄弟畢至長兄弟眾賓長加爵及嗣舉奠

後兄弟弟子始於阼階前北面舉鬴于長兄弟如主人酬賓

儀此鬴蓋兄弟弟子先奠於薦南長兄弟取之奠於薦北長兄弟位阼階前西面則南為左而北為右此二鬴

皆旅酬之發端也於是賓取主人酬賓之觶阼階前北面酬
長兄弟長兄弟在右賓奠觶拜長兄弟答拜賓立卒觶酌于
其尊東面立長兄弟拜受觶賓北面答拜揖復位此賓酬長
兄弟也又云長兄弟西階前北面衆賓長自左受旅如初長
兄弟卒觶酌于其尊西面立受旅者拜受長兄弟北面答拜
揖復位衆賓及衆兄弟交錯以辯皆如初儀此長兄弟酬衆
賓衆賓又酬衆兄弟各以尊卑少長爲次序而相酬也長兄
弟又取弟子所舉之觶以酬賓如賓酬兄弟之儀蓋賓尊於
衆賓長兄弟尊於衆兄弟交錯以辯亦是以尊酬卑也有司
徹旅酬則賓三獻後使二人舉觶於尸侑侑奠觶於右不舉
尸舉一觶北面于阼階上酬主人主人在右坐奠爵拜主人

答拜不祭立飲卒爵不拜既爵酌就于阼階上酬主人主人

拜受爵尸拜送尸就筵此尸酬主人也

有司徹是祭畢償尸之禮略如飲酒尸如

賓侑如介

又云主人以酬侑于西楹西侑在左坐奠爵拜執爵興

侑答拜不祭立飲卒爵不拜既爵酌復位侑拜受主人拜送

主人復筵此主人酬侑也又云乃升長賓侑酬之如主人之

禮此侑酬長賓也又云至于衆賓遂及兄弟亦如之皆飲于

上

償尸旅酬在堂上與特性異

遂及私人拜受者升受下飲卒爵升酌以

之其位相酬辯此衆賓與兄弟及私人各以尊卑少長爲次

序而相酬也蓋尸尊於主人主人尊於侑侑尊於長賓長賓

尊於衆賓兄弟及私人亦是以尊酬卑也此皆祭畢飲酒之

旅酬也比而觀之豈非旅酬以尊酬卑卽以下爲上乎鄭氏